



M. LINGO DEMIROVIĆ

SARAJEVO - Almir Čehajić Batko, poznati voditelj i humanitarac, juče je u Sarajevu uhapšen u akciji kodnog naziva "Network".

Do zaključenja ovog broja "Nezavisnih" nije bilo okončano saslušanje Čehajića u prostorijama SIPA, kojeg su juče po nalogu Tužilaštva Kantona Sarajevo uhapsili pripadnici pomenute bezbjednosne agencije.

Iz Tužilaštva Kantona Sarajevo juče je saopšteno da je A.Č. lišen slobode zbog sumnje da je zloupotrijebio položaj za pranje novca te da će nakon obrade u SIPA osumnjičeni biti predat u nadležnost tog tužilaštva.

SIPA je juče, po nalogu Tužilaštva KS, na području Sarajevskog kantona izvršila pretrese na četiri lokacije.

U SARAJEVU UHAPŠEN POZNATI VODITELJ I HUMANITARAC "Network" ULOVIO BATKA

"Pretresena su dva stambena i dva poslovna objekta, a do sad je slobode lišena jedna osoba", rekao je "Nezavisnim" Luka Miladinović, glasnogovornik SIPA.

Da je Čehajić uhapšen, potvrdio je i njegov advokat Omar Mehmedbašić.

"Vi znate da je on dosta toga dobrog činio, ali očigledno je



sad da ima onih koji misle da nije", kazao je Mehmedbašić.

U saopštenju nevladine organizacije "Otvorena mreža", čiji je predsjednik Čehajić, potvrđeno je da su u ranim jutarnjim satima pripadnici SIPA izuzeli određenu dokumentaciju iz službenih prostorija. Kako je navedeno, radi o se prijavi pacijenata koji su u programu "Otvorene mreže" za kadeverične transplantacije. Istaknuto je kako je Čehajić siguran da će se sve završiti pozitivno, kako za organizaciju, tako i za sve pacijente.

Naime, poznato TV lice i organizatora brojnih humanitarnih akcija u predmetu "Network" sumnjiče za krivična djela u vezi s prikupljanjem novca kojem je svrha trebalo da bude liječenje bolesnika i transplantacija organa osobama iz

BiH u bolnicama van naše zemlje koje su nudile takve usluge. Pojedini portali juče su pisali da je Čehajić uhapšen zbog sumnje da je stekao protivpravnu imovinsku korist veću od 625.000 KM.

SIPA PRETRESLA NEKOLIKO OBJEKATA

Almir Čehajić Batko je sarajevski TV voditelj, glumac amater, stomatolog i humanista. Glumio je i u mnogim popularnim serijama i filmovima, a osnivač je nevladine organizacije "Otvorena mreža". O njemu je 2013. godine snimljen dokumentarni film "Rob", u kojem se on ispovijeda o teškom periodu života i bolesti preminule kćerke.